



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

22.09.2017թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

թիվ ԳԲԽ-ԱՄ-2017/30

Հայաստանի Հանրապետության գնումների բողոքարկման խորհուրդը (այսուհետ նաև՝ Խորհուրդ)՝ քննելով «Մեյդ Թու Մեյք» ՍՊԸ-ի 04.09.2017թ. ներկայացրած բողոքը (այսուհետ նաև՝ ԳԲԽ-ԱՄ-2017/30 բողոք) և կից փաստաթղթերը, պարզեց հետևյալը.

1. «Մեյդ Թու Մեյք» ՍՊԸ-ի ներկայացրած փաստերը, հիմնավորումները և պահանջը

«Մեյդ Թու Մեյք» ՍՊԸ-ն (այսուհետ նաև՝ Ընկերություն) 04.09.2017թ. Խորհրդին ներկայացրած բողոքով հայտնել է, որ ՀՀ արտակարգ իրավիճակների նախարարության (այսուհետ նաև՝ Պատվիրատու) կարիքների համար համազգեստի ձեռքբերման նպատակով 13.07.2017թ. կայացած «ԳՀԱՊՁԲ-ԱԻՆ-17/2» ծածկագրով գնանշման հարցման ընթացակարգի (այսուհետ նաև՝ Ընթացակարգ) մասնակցի, տվյալ դեպքում «ԱԲԻ» ՍՊԸ-ի էլեկտրոնային թվային ստորագրությունը տեսանելի չէ հայտի բնօրինակից արտատպված փաստաթղթի վրա և վերջինիս հայտը չի համապատասխանում հրավերով սահմանված պահանջներին և հակասում է ՀՀ կառավարության 04.05.2017թ. N 526-Ն որոշման 32-րդ կետի 12-րդ ենթակետին (այսուհետ նաև՝ Կարգ):

Ընկերությունը ներկայացված բողոքով հայտնել է նաև, որ Ընթացակարգի գնահատող հանձնաժողովի 13.07.2017թ. նիստի թիվ 2 արձանագրության 7-րդ կետի համաձայն՝ Պատվիրատուն դիմել է «Էլեկտրոնային կառավարման ենթակառուցվածքների ներդրման գրասենյակ» ՓԲԸ-ին (այսուհետ նաև՝ «ԷԿԵՆԳ» ՓԲԸ)՝ «ԱԲԻ» ՍՊԸ-ի հայտի էլեկտրոնային ստորագրության առկայության և իսկության վերաբերյալ մասնագիտական եզրակացություն ստանալու նպատակով: Ընթացակարգի գնահատող հանձնաժողովի 30.08.2017թ. նիստի թիվ 4 արձանագրության 3-րդ կետով արձանագրվել է, որ ԷԿԵՆԳ» ՓԲԸ-ի կողմից ներկայացված եզրակացության համաձայն՝ Docx ձևաչափով փաստաթղթերը ներառում են Գրիգոր Քեշիշյանի (<ԾՀ՝ 3312570166) էլ. ստորագրությունը: Էլեկտրոնային փաստաթղթերը բացվում են փոփոխությունների սխալի հաղորդագրությամբ, որը կարող է պայմանավորված լինել տվյալ Word փաստաթղթի ծրագրային տարբերակով: Հաշվի առնելով փաստաթղթերում կցված էլեկտրոնային ստորագրության դարանի մանրամասները, այն է՝ ամսաթիվ, սերիա, համար, hash ալգորիթմ «ԷԿԵՆԳ» ՓԲԸ-ն հաստատել է, որ փաստաթղթերում առկա ստորագրությունը վավեր է և կարող է ընդունվել:

Սակայն պատվիրատուի կողմից հարցում չի կատարվել արդյո՞ք մասնակցի հայտը բնօրինակ փաստաթղթից արտատպելիս էլեկտրոնային ստորագրությունը տեսանելի է թե՛ ոչ, քանի որ այդ մասով չկա համապատասխան եզրակացություն «ԷԿԵՆԳ» ՓԲԸ-ի կողմից:

Ընկերության կողմից ներկայացված բողոքի փաստացի և իրավական հիմքերը, ապացույցները հետևյալն են՝

Ընկերությունը վկայակոչել է, որ Կարգի 32-րդ կետի 12-րդ ենթակետը, որի համաձայն՝ հրավերով նախատեսվում է նաև, որ գնման ընթացակարգն էլեկտրոնային գնումների համակարգի միջոցով կազմակերպված լինելու դեպքում ՀՀ ռեզիդենտ հանդիսացող մասնակիցները հայտում ներառվող՝ իրենց կողմից հաստատվող փաստաթղթերը հաստատում են էլեկտրոնային թվային ստորագրությամբ, իսկ ՀՀ ռեզիդենտ չհանդիսացող մասնակիցները՝ այդ փաստաթղթերը ներկայացնում են հաստատված բնօրինակ փաստաթղթից արտատպված (սկանավորված) տարբերակով: Միաժամանակ Կարգի 32-րդ կետի 12-րդ ենթակետի համաձայն՝ տեղեկությունների (փաստաթղթերի) էլեկտրոնային եղանակով փոխանակման դեպքում դրանք ուղարկողը տեղեկությունները (փաստաթղթերը) հաստատում է էլեկտրոնային թվային

ստորագրությամբ, որի արտատպումը պետք է տեսանելի լինի փաստաթղթի վրա, իսկ հավաստագիրը՝ զետեղված «Նույնականացման քարտերի մասին» Հայաստանի Հանրապետության օրենքով սահմանված կարգով տրամադրված նույնականացման քարտում, կամ տեղեկությունները (փաստաթղթերը) ուղարկում է հաստատված բնօրինակ փաստաթղթից արտատպված (սկանավորված) տարբերակով:

Կարգի 41-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը, կամ գնային առաջարկը, կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Ընկերությունը, Խորհրդին ներկայացված բողոքով խնդրել է՝

Կիրառել ժամանակավոր միջոց և կասեցնել ՀՀ արտակարգ իրավիճակների նախարարության կարիքների համար «Համազգեստ»-ի ձեռքբերման նպատակով 13.07.2017թ. կազմակերպված «ԳՀԱՊԶԲ-ԱԻՆ-17/2» ծածկագրով գնանշման հարցման ընթացակարգի գնահատող հանձնաժողովի 30.08.2017թ. նիստի թիվ 4 արձանագրության 2.2, 6.1, և 6.1.3 կետերով կայացրած որոշումները և ստուգել «ԱԲԻ» ՍՊԸ-ի հայտի, մասնավորապես՝ գնային առաջարկի և հայտի ապահովման արտատպման դեպքում էլեկտրոնային ստորագրության տեսանելիությունը, քանի որ դրանից բխող հետագա բոլոր գործողությունները կատարելու դեպքում բողոքը կդառնա առարկայազուրկ և դրանով «Մեյդ Թու Մեյք» ՍՊԸ-ին կհասցվի վնասներ, մասնավորապես՝ «Մեյդ Թու Մեյք» ՍՊԸ-ն կգրկվի նշված ընթացակարգի 3-րդ չափաբաժնով առաջին տեղ զբաղեցնելու իրավունքից:

Ընկերությունը ի լրումն 04.08.2017թ. բողոքի 11.09.2017թ. Խորհրդին ուղղված գրությամբ խնդրել է դադարեցնել Ընթացակարգի գնահատող հանձնաժողովի 30.08.2017թ. նիստի թիվ 4 արձանագրության 2.2, 6.1, և 6.1.3 կետերով կայացրած որոշումները:

Ընկերությունը, պատշաճ ծանուցված լինելով Խորհրդի 08.09.2017թ. ժամը 11:15-ի նիստի վերաբերյալ, ապահովել է իր ներկայացուցիչների մասնակցությունը, ովքեր պնդել են 04.09.2017թ. բողոքով Խորհրդին հայտնած դիրքորոշումը:

2. ՀՀ արտակարգ իրավիճակների նախարարության կողմից բողոքի վերաբերյալ ներկայացված փաստերը և հիմնավորումները

Ի պատասխան Խորհրդի 05.09.2017թ. թիվ ԳԲԽ-ՄԱ/1/16104-17 գրության՝ ՀՀ արտակարգ իրավիճակների նախարարությունը 07.09.2017թ. թիվ 7/01/1/9879-17 գրությամբ Խորհրդին է ներկայացրել «ԳՀԱՊՁԲ-ԱԻՆ-17/2» ծածկագրով գնանշման հարցման ընթացակարգին վերաբերող անհրաժեշտ փաստաթղթերը:

Պատվիրատուն վերոհիշյալ գրությամբ հայտնել է, որ ՀՀ արտակարգ իրավիճակների նախարարության կարիքների համար «Գնումների մասին» ՀՀ օրենքի 15-րդ հոդվածի 6-րդ մասի համաձայն՝ կազմակերպվել է «ԳՀԱՊՁԲ-ԱԻՆ-17/2» ծածկագրով համազգեստի ձեռքբերման գնման ընթացակարգ և ընթացակարգի հրավերը ս/թ. հուլիսի 4-ին էլեկտրոնային գնումների Armepps համակարգով ուղարկվել է հնարավոր մասնակիցներին: Ընթացակարգի հայտերի բացման նիստի ընթացքում Ընթացակարգի գնահատող հանձնաժողովը «ԱԲԻ» ՍՊԸ-ի կողմից ներակայացրած հայտի էլեկտրոնային թվային ստորագրության առկայության և իսկության վերաբերյալ ունեցել է կասկածներ և Կարգի 41-րդ կետի համաձայն՝ մեկ աշխատանքային օրով կասեցրել է գնահատող հանձնաժողովի նիստը՝ «ԷԿԵՆԳ» ՓԲԸ հարցում ներկայացնելու նպատակով՝ «ԱԲԻ»-ի հայտի էլեկտրոնային թվային ստորագրության առկայության և իսկության վերաբերյալ մասնագիտական եզրակացություն ստանալու նպատակով: Սույն թվականի հուլիսի 14-ին, ի պատասխան կատարված հարցմանը՝ «ԷԿԵՆԳ» ՓԲԸ-ից ստացվել է պատասխան, համաձայն որի Docx ձևաչափով փաստաթղթերը ներառում են Գրիգոր Քեշիշյանի (ՀԾՀ՝ 3312570166) էլ. ստորագրությունը: Էլեկտրոնային փաստաթղթերը բացվում են փոփոխությունների սխալի հաղորդագրությամբ, որը կարող է պայմանավորված լինել տվյալ Word փաստաթղթի ծրագրային տարբերակով: Հաշվի առնելով փաստաթղթերին կցված էլեկտրոնային ստորագրության դարանի մանրամասները, այն է՝ ամսաթիվ,

սերիա, համար, hash ալգորիթմ «ԷԿԵՆԳ» ՓԲԸ-ն հաստատել է, որ փաստաթղթերում առկա ստորագրությունը վավեր է և կարող է ընդունվել:

Հաշվի առնելով վերոգրյալը, Ընթացակարգի գնահատող հանձնաժողովը 14.07.2017թ. հայտերի բացման վերսկսման նիստով «ԱԲԻ» ՍՊԸ-ի կողմից ներակայացված հայտը գնահատել է բավարար:

Պատվիրատուն, պատշաճ ծանուցված լինելով Խորհրդի 08.09.2017թ. ժամը 11:15-ի նիստի վերաբերյալ, ապահովել է իր ներկայացուցիչների մասնակցությունը, ովքեր հայտնել են, 07.09.2017թ. թիվ 7/01/1/9879-17 գրությամբ Խորհրդին ներկայացրած դիրքորոշումը:

3. ԳԲԽ-ԱՄ-2017/30 բողոքի քննության համար էական նշանակություն ունեցող փաստերը

ԳԲԽ-ԱՄ-2017/30 բողոքի քննության համար էական նշանակություն ունեն հետևյալ փաստերը՝

1. ՀՀ արտակարգ իրավիճակների նախարարության կարիքների համար՝ «Համազգեստի» ձեռքբերման նպատակով կազմակերպվել է «ԳՀԱՊԶԲ-ԱԻՆ-17/2» ծածկագրով գնանշման հարցման ընթացակարգ, որին մասնակցելու նպատակով, ի թիվս այլ մասնակիցների, հայտ է ներկայացրել «ԱԲԻ» ՍՊԸ-ն:

2. Ընթացակարգի գնահատող հանձնաժողովի 13.07.2017թ. նիստի թիվ 2 արձանագրության 5.2 ենթակետով կայացված որոշմամբ արձանագրվել է, որ «ԱԲԻ» ՍՊԸ-ի հայտով ներկայացված հայտարարությունները և գնային առաջարկը էլեկտրոնային թվային ստորագրությամբ հաստատված լինելու հանգամանքը լրացուցիչ մասնագիտական եզրակացության անհրաժեշտություն ունի:

3. Նույն արձանագրության 7-րդ ենթակետով արձանագրվել է, որ «ԱԲԻ» ՍՊԸ-ի հայտի էլեկտրոնային թվային ստորագրության առկայության և իսկության վերաբերյալ մասնագիտական եզրակացություն ստանալու նպատակով «ԷԿԵՆԳ» ՓԲԸ հարցում է ներկայացվել:

4. Ընթացակարգի գնահատող հանձնաժողովի 14.07.2017թ. կասեցված նիստի վերսկսման թիվ 2/1 արձանագրության 8-րդ ենթակետով արձանագրվել է, որ «ԱԲԻ»

ՍՊԸ-ի հայտի էլեկտրոնային ստորագրության առկայության և իսկության վերաբերյալ մասնագիտական եզրակացություն ստանալու նպատակով «ԷԿԵՆԳ» ՓԲԸ կատարված հարցմանն ի պատասխան՝ ստացվել է պատասխան, համաձայն որի Docx ձևաչափով փաստաթղթերը ներառում են Գրիգոր Քեշիշյանի (ՀԾՀ՝ 3312570166) էլ. ստորագրությունը: Էլեկտրոնային փաստաթղթերը բացվում են փոփոխությունների սխալի հաղորդագրությամբ, որը կարող է պայմանավորված լինել տվյալ Word փաստաթղթի ծրագրային տարբերակով: Հաշվի առնելով փաստաթղթերին կցված էլեկտրոնային ստորագրության դարանի մանրամասները, այն է՝ ամսաթիվ, սերիա, համար, hash ալգորիթմ, «ԷԿԵՆԳ» ՓԲԸ-ն հաստատել է, որ փաստաթղթերում առկա ստորագրությունը վավեր է և կարող է ընդունվել:

4. Նույն արձանագրության 10.1.3 ենթակետով կայացված որոշմամբ Ընթացակարգի գնահատող հանձնաժողովը, հիմք ընդունելով Կարգի 40-րդ կետի 5-րդ ենթակետը, Ընթացակարգի 3-րդ, 7-րդ և 9-րդ չափաբաժիններով 1-ին տեղ զբաղեցնող մասնակից է ճանաչել «ԱԲԻ» ՍՊԸ-ին:

5. Ընթացակարգի գնահատող հանձնաժողովը 30.08.2017թ. ժամը 12:00-ի նիստի թիվ 4 արձանագրությամբ կայացված որոշմամբ՝ հիմք ընդունելով ՀՀ գնումների բողոքարկման խորհրդի 21.08.2017թ. թիվ ԳԲԽ-ԷՍ-2017/26 որոշումը, Ընթացակարգի գնահատող հանձնաժողովը որոշել է համաձայն «Գնումների մասին» ՀՀ օրենքի 50-րդ հոդվածի 7-րդ մասի չեղարկել Ընթացակարգի գնահատող հանձնաժողովի 14.07.2017թ. թիվ 2/1, 19.07.2017թ. թիվ 2/2 և 26.08.2017թ. թիվ 3 նիստերի արձանագրություններով կայացված որոշումները:

6. Նույն արձանագրության 2.2 ենթակետով կայացված որոշման համաձայն՝ Ընթացակարգի գնահատող հանձնաժողովը որոշել է Ընթացակարգը շարունակել 13.07.2017թ. հայտերի բացման թիվ 2 կասեցված նիստից և վերագնահատել Ընթացակարգի մասնակիցների հայտերը, հաշվի առնելով այն հանգամանքը, որ 31.08.2017թ. դրությամբ առկա են տվյալ ընթացակարգի գնման հայտով հատկացված ֆինանսական միջոցներ:

7. Նույն արձանագրության 6.1 ենթակետով կայացված որոշման համաձայն՝ հիմք ընդունելով Կարգի 40-րդ կետի 5-րդ ենթակետը, Ընթացակարգի գնահատող հանձնաժողովը նույն արձանագրության 6.1.3 ենթակետով կայացված որոշմամբ

Ընթացակարգի 3-րդ և 9-րդ չափաբաժիններով 1-ին տեղ զբաղեցնող մասնակից է ճանաչել «ԱԲԻ» ՍՊԸ-ին:

4. Խորհրդի հիմնավորումները և եզրահանգումը

ՀՀ գնումների բողոքարկման խորհուրդը, ռաուանասիրելով «Մեյդ Թու Մեյք» ՍՊԸ-ի 04.09.2017թ. ներկայացրած բողոքը, ի լրումն բողոքի 11.09.2017թ. գրությունը, «ԱԲԻ» ՍՊԸ-ի կողմից ներկայացված հայտը, «ԳՀԱՊՁԲ-ԱԻՆ-17/2» ծածկագրով գնանշման հարցման ընթացակարգի հրավերը, հայտնում է հետևյալը.

«Գնումների մասին» ՀՀ օրենքի (այսուհետ նաև՝ Օրենք) 34-րդ հոդվածի 1-ին մասի համաձայն՝ **հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:**

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 12-րդ ենթակետի համաձայն՝ հրավերով նախատեսվում է, նաև որ՝ **տեղեկությունների (փաստաթղթերի) էլեկտրոնային եղանակով փոխանակման դեպքում դրանք ուղարկողը տեղեկությունները (փաստաթղթերը) հաստատում է էլեկտրոնային թվային ստորագրությամբ, որի արտադրումը պետք է տեսանելի լինի փաստաթղթի վրա:**

Կարգի 41-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, **բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը, կամ գնային առաջարկը, կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:**

ՀՀ արտակարգ իրավիճակների նախարարության կարիքների համար՝ «Համազգեստի» ձեռքբերման նպատակով կազմակերպվել է «ԳՀԱՊԶԲ-ԱԻՆ-17/2» ծածկագրով գնանշման հարցման ընթացակարգ:

Ընթացակարգի հրավերի ՄԱՍ I-ի 8-րդ կետի 8.2 ենթակետի համաձայն՝ հայտերը գնահատվում են սույն հրավերով սահմանված կարգով: Բավարար են գնահատվում սույն հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են: Ընդ որում հայտերի բացման նիստում հանձնաժողովը մերժում է այն հայտերը, որոնցում բացակայում են գնային առաջարկը և/կամ հայտի ապահովումը կամ դրանք ներկայացված են հրավերի պահանջներին անհամապատասխան:

Ընթացակարգի հրավերի ՄԱՍ I-ի 8-րդ կետի 8.19 ենթակետի համաձայն՝ տեղեկությունների (փաստաթղթերի) էլեկտրոնային եղանակով փոխանակման դեպքում մասնակիցը տեղեկությունները (փաստաթղթերը) հաստատում է էլեկտրոնային թվային ստորագրությամբ, որի արտադրումը պետք է տեսանելի լինի փաստաթղթի վրա, իսկ հավաստագիրը՝ զետեղված «Նույնականացման քարտերի մասին» Հայաստանի Հանրապետության օրենքով սահմանված կարգով տրամադրված նույնականացման քարտում, կամ տեղեկությունները (փաստաթղթերը) ուղարկում է հաստատված բնօրինակ փաստաթղթից արտատպված (սկանավորված) տարբերակով:

Հայաստանի Հանրապետության ռեզիդենտ հանդիսացող մասնակիցները հայտում ներառվող՝ իրենց կողմից հաստատվող փաստաթղթերը հաստատում են էլեկտրոնային թվային ստորագրությամբ, իսկ Հայաստանի Հանրապետության ռեզիդենտ չհանդիսացող մասնակիցները՝ այդ փաստաթղթերը ներկայացնում են հաստատված բնօրինակ փաստաթղթից արտատպված (սկանավորված) տարբերակով:

Ընթացակարգին մասնակցելու նպատակով, ի թիվս այլ մասնակիցների, հայտ է ներկայացրել «ԱԲԻ» ՍՊԸ-ն:

Ընթացակարգի գնահատող հանձնաժողովի 13.07.2017թ. նիստի թիվ 2 արձանագրության 5.2 ենթակետով կայացված որոշմամբ արձանագրվել է, որ «ԱԲԻ» ՍՊԸ-ի հայտով ներկայացված հայտարարությունները և գնային առաջարկը էլեկտրոնային թվային ստորագրությամբ հաստատված լինելու հանգամանքը լրացուցիչ մասնագիտական եզրակացության անհրաժեշտություն ունի:

Ընթացակարգի գնահատող հանձնաժողովի 14.07.2017թ. կասեցված նիստի վերսկսման թիվ 2/1 արձանագրության 8-րդ ենթակետով արձանագրվել է, որ «ԱԲԻ» ՍՊԸ-ի հայտի էլեկտրոնային ստորագրության առկայության և իսկության վերաբերյալ մասնագիտական եզրակացություն ստանալու նպատակով «ԷԿԵՆԳ» ՓԲԸ կատարված հարցմանն ի պատասխան՝ ստացվել է պատասխան, համաձայն որի Docx ձևաչափով փաստաթղթերը ներառում են Գրիգոր Քեշիշյանի (ՀԾՀ՝ 3312570166) էլ. ստորագրությունը: Էլեկտրոնային փաստաթղթերը բացվում են փոփոխությունների սխալի հաղորդագրությամբ, որը կարող է պայմանավորված լինել տվյալ Word փաստաթղթի ծրագրային տարբերակով: Հաշվի առնելով փաստաթղթերին կցված էլեկտրոնային ստորագրության դարանի մանրամասները, այն է՝ ամսաթիվ, սերիա, համար, hash ալգորիթմ, «ԷԿԵՆԳ» ՓԲԸ-ն հաստատել է, որ փաստաթղթերում առկա ստորագրությունը վավեր է և կարող է ընդունվել:

Ընթացակարգի գնահատող հանձնաժողովը 30.08.2017թ. ժամը 12:00-ի նիստի թիվ 4 արձանագրության 6.1 ենթակետով կայացված որոշման համաձայն՝ հիմք ընդունելով Կարգի 40-րդ կետի 5-րդ ենթակետը, նույն արձանագրության 6.1.3 ենթակետով կայացված որոշմամբ Ընթացակարգի 3-րդ և 9-րդ չափաբաժիններով 1-ին տեղ զբաղեցնող մասնակից է ճանաչել «ԱԲԻ» ՍՊԸ-ին:

Այսպիսով, ամփոփելով վերոգրյալը, Խորհուրդն արձանագրում է, որ «ԳՀԱՊՁԲ-ԱԻՆ-17/2» ծածկագրով գնանշման հարցման ընթացակարգին մասնակցելու նպատակով «ԱԲԻ» ՍՊԸ-ի կողմից ներկայացված հայտի և հրավերով սահմանված պահանջների միջև առկա է անհամապատասխանություն, մասնավորապես՝ «ԱԲԻ» ՍՊԸ-ի կողմից ներկայացված հայտի բոլոր հավելվածների, այդ թվում նաև հավելված 5-ի՝ գնային առաջարկի, և հավելված 10-ի՝ տուժանքի մասին համաձայնագրի և նրան կից վճարման պահանջագրի, արտատպված տարբերակի վրա տեսանելի չէ էլեկտրոնային թվային ստորագրությունը, մինչդեռ՝ Ընթացակարգի հրավերի ՄԱՍ I-ի 8-րդ կետի 8.19 ենթակետով սահմանվել է, որ տեղեկությունների (փաստաթղթերի) էլեկտրոնային եղանակով փոխանակման դեպքում **մասնակիցը պետեկությունները (փաստաթղթերը) հաստատում է էլեկտրոնային թվային ստորագրությամբ, որի արտադրումը պետք է պեսանելի լինի փաստաթղթի վրա:**

Միևնույն ժամանակ Կարգ 32-րդ կետի 12-րդ ենթակետը սահմանում է, որ հրավերով նախատեսվում է, նաև որ՝ **պետեկությունների (փաստաթղթերի) էլեկտրոնային**

եղանակով փոխանակման դեպքում դրանք ուղարկողը փեղեկությունները (փաստաթղթերը) հաստատում է էլեկտրոնային թվային ստորագրությամբ, որի արտատպումը պետք է տեսանելի լինի փաստաթղթի վրա:

Կարգի 40-րդ կետի 4-րդ ենթակետը սահմանում է, որ *հանձնաժողովը մերժում է այն հայտերը, որոնցում բացակայում են գնային առաջարկը և (կամ) հայտի ապահովումը կամ եթե դրանք ներկայացված են հրավերի պահանջներին անհամապատասխան:* Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը:

Հաշվի առնելով այն հանգամանքը, որ «ԱԲԻ» ՍՊԸ-ի կողմից ներկայացված գնային առաջարկը և հայտի ապահովումը չեն համապատասխանում հրավերի պահանջներին և Կարգի 41-րդ կետի համաձայն վերջիններս ենթակա չեն շտկման, ուստի Խորհուրդը գտնում է, որ Օրենքի 34-րդ հոդվածի 1-ին մասի, Կարգի 40-րդ կետի 4-րդ ենթակետի, ինչպես նաև Ընթացակարգի հրավերի 8-րդ կետի 8.2 ենթակետի համաձայն հայտերի բացման նիստում «ԱԲԻ» ՍՊԸ-ի հայտը ենթակա էր մերժման:

Հաշվի առնելով վերոգրյալը, Խորհուրդը գտնում է, որ «Մեյդ Թու Մեյք» ՍՊԸ-ի բողոքը սույն մասով հիմնավոր է և ենթակա է բավարարման, իսկ ինչ վերաբերում է բողոքաբերի այն պահանջին, որ դադարեցնել Ընթացակարգի գնահատող հնաձևաժողովի 30.08.2017թ. նիստի թիվ 4 արձանագրության 2.2 ենթակետը, ապա սույն մասով բողոքը ենթակա է մերժման, քանի որ Պատվիրատուն վերը նշված ենթակետով, վերագնահատելով Ընթացակարգի մասնակիցների հայտերը, կատարել է Խորհրդի 21.08.2017թ. թիվ ԳԲԽ-ԷՍ-2017/26 որոշումը և քանի որ Օրենքի 50-րդ հոդվածի 6-րդ մասի համաձայն՝ Խորհրդի որոշումն իրավապարտադիր է, ուստի Խորհուրդը գտնում է, որ Պատվիրատուի գործողությունները սույն մասով իրավաչափ են:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների բողոքարկման խորհուրդը

Ո Ր Ո Շ Ե Ց

«Մեյդ Թու Մեյք» ՍՊԸ-ի կողմից 04.09.2017թ. ներկայացված բողոքը բավարարել մասնակի՝

1. դադարեցնել «ԳՀԱՊՁԲ-ԱԻՆ-17/2» ծածկագրով գնանշման հարցման ընթացակարգի գնահատող հանձնաժողովի 30.08.2017թ. նիստի թիվ 4 արձանագրության 6.1 և 6.1.3 ենթակետերով կայացրած որոշումները, մասնավորապես՝ «ԱԲԻ» ՍՊԸ-ին Ընթացակարգի 3-րդ և 9-րդ չափաբաժինների մասով 1-ին տեղ զբաղեցրած մասնակից ճանաչելու մասին որոշումը:

2. «ԳՀԱՊՁԲ-ԱԻՆ-17/2» ծածկագրով գնանշման հարցման ընթացակարգի գնահատող հանձնաժողովի 30.08.2017թ. նիստի թիվ 4 արձանագրության 2.2 ենթակետով կայացված որոշումը դադարեցնելու վերաբերյալ պահանջը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

ՀՀ գնումների բողոքարկման
խորհրդի անդամ՝



ՄՀԵՐ ԱՆԱՆՅԱՆ